



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Թարգմ.

ՎԵՂԱՐՁԵԿ ԹՈՒՄԱՆՆԵՐ

Վ. Ի.  
ՆԵՄԻՐՈՎԻԶ-ԳՈՂՁԵՆԿՈ

№ 3.

452

ԼԻԲ



# ԿԵՆԴԱՆԱՑԱԾ ԵՐԳԸ

ՊԱՏՄՈՒԱԾԻ.

89171  
Կ-52



ԳԻՆՆ Է 10 Կ.

ԲԸԳՈՒ

Տպարան Ե. Գ. Գիւլբաաբեանի  
1905.

~~346~~

~~5572~~



Վ. Ի. ՆԵՄԻՐՈՎԻՉ-ԳԸՆՁԵՆԿՈ.

391-71

2-52 սր

# ԿԵՆՌԱՆԱՑԱԾ ԵՐԳԸ

4

ՊԱՏՄՈՒԱԾՔ

1002  
5395

Հազար փառք նրանց, որոնք աշխատանք  
2ևն խնայել երբեք գթառատ հողին,  
Ով բանուկ մեղու գործել է անհագ  
Եւ ոչ ձրեակեր ծնել փեթակին...

Թարգմ.

Վաղարշակ Թումանյան:

№ 3




Բ Ա Գ Ո Ւ

Տպարան Յ. Գ. Գիւրքասարեանի

1905.

1002  
5395



11.07.2013

12.325

25 NOV 2010

# ԿԵՆԴԱՆՆՑՄԱՆ ԵՐԳԸ



«Աղօրեցիկ արՖակական երգիչ...  
(անունը ջնջում է) հոգու համար: Ստորե-  
կրեայ քաննում նիևզ սարի քանսարկուած  
մնայուց յեսոյ, նրան, իւր ազանման օրը,  
զսեչ էիև մնուած, ժպիսը դիմիև. որով-  
հետեւ Սասուած այցելել էր կալանաւո-  
րիև իւր քաննումը»:

(կալիբրիայում, Բօմեր քազաւորի ամբոցույ  
զսնտոյ մի հիև՝ գերեզմանաբարի արձանագրուրիւրև,  
որը զսնել էր հեղինակի այնտեղ եղած ժամանակը):

## I.

### Գ Ե Տ Ն Ա Խ Ո Ր Թ Ո Ւ Մ:

Նա յիշում է, շատ լաւ յիշում այն ըո-  
պէն, երբ իրան բերին այստեղ: Այն ժամանակ-  
ւանից սկսած, անթափանցելի խաւարի մէջ իմի  
էին ձուլւել օրերն ու շաբաթները, ամիսներն ու  
տարիները և միայն այդ ըոպէն էր պարզ ներ-  
կայանում նրան: Նա չէ մոռացել հնազարեան  
ամբողջի սալայատակ բակը, որ այն առաւօտ

Дозволено Цензурою Тифлисъ, 17 Юля 1904 г.

այնպէս պայծառ լուսաւորւած էր արեգակի անթիւ փայլուն ճառագայթներով, սրբազան խաղաղութեամբ շնչող կապտագոյն երկնքի անյատակ խորութիւնը և կարմիր, բոցաւառ ծաղիկներով զարդարւած ծառերը: Նրա յիշողութեան մէջ դեռևս կենդանի է այդ ծաղիկների դուրեկան հոտը, որոնք կարծես թէ զգալով, որ նա այլևս չէ տեսնելու իրանց, թափում էին իրանց քնքոյշ թերթիկները նրա ուլիսին, երբ նա անցնում էր նոցա տակից շրջապատւած լուռ ու մտախոհ պահապաններով... Կարծես հիմա էլ նա լսում է, թէ ինչպէս աղմկում էին իւր քայլերի ձայները քարէ սանդուխտների վրայ: Կարծես հիմա էլ նա տեսնում է այն անվերջ միջանցքները, որոնցով անց էին կացնում իրան և ամենավերջին միջանցքում,—նա շատ լաւ յիշում է նրան,—մի լուսաւոր կէտ: Այնտեղ, դարևոր ժայռի կարծր մարմնի վրայ, մի փոքրիկ անցք էր բացւած դէպի դուրսը... Հասնելով այդ անցքին, նա կանգնեց. կանգնեցին և պահապանները, կարծես հասկանալով, որ նա կամենում է աշխարհից բաժանելուց առաջ, վերջին անգամ մնաս բարև ասել լոյսին, ազատութեանը, երկնքին, կեանքին և երգին. երգին, որի համար էր նա մինչև այժմ ապրել, շնչել:

Ծովի կողմից փչող թեթև զեփիւռը շարժում էր նրա մագերը, թարմ օդը զարնւում նրա

երեսին, փայփայում դէմքը: Նա նայում էր հեռուն, անծայր ծովին, որի վրայ կապտին էր տալիս պարզ, անամպ երկինքը: Մի ինչ որ թռչուն, սև կէտի պէս թռչկոտում էր այնտեղ ազատ, համարձակ, կարծես իւր թևերի ուժեղ թափերով հորիզոնի անսահմանութիւնն էր չափում... Ներքեում, հազիւ նշմարելի կէտեր ահոսում էին ծովի մակերևոյթը և թեթև զեփիւռը տարուբերում էր նրան: Ահա հեռում երևաց սպիտակ առագաստները պարզած նաւակը... Կարծես, իւր թևերը տարածած, ձկնկուլն էր լողում այնտեղ:

— Ժամանակ է, լսեց նա իւր յետևում և ուսի վրայ զգաց ամբողջովին պողպատի մէջ կորած գինւորի ձեռքը:

Նա յիշում է, շատ լաւ յիշում այն վերջին վայրկեանները... Քարափի ծայրին հանդարտ օրօրում էր մի ինչ որ վաղդագոյն ծաղիկ: Այնտեղ հասնող անձրևի կաթիլները սնունդ էին տալիս ծաղկին, իսկ արեգակի ճառագայթները կարմրեցնում էին նրա ատամնաձև թերթիկները... Բանաստեղծը մեկնեց դէպի նա իւր ձեռքը, որպէսզի պոկէ և տանէ իւր հետ աշխարհի այդ վերջին յիշատակը: Բայց նա խղճաց ծաղկին, չկամեցաւ իւր հետ միասին թաղել նրան ստորեկրեայ լսուցի անվերջ, անձայն խաւարի մէջ... Բանտի դռների մօտ, նոյն ծեր, մտախոհ գինւորը, չկարողանալով ծած-

կել իւր յուզմունքը, ընդհատող ձայնով ասաց նրան.

— Ներիր, ինձ հրամայւած է վերցնել քո տաւիղը:

Աւելի լաւ էր խլէին նրա հոգին, քան թէ տաւիղը: Նրա հետ միասին, թանկագին ընկերօջ պես կրծքին սեղմած, նա գնում էր դէպի իւր բանտը: Նա կարծում էր, որ տաւիղի լարերի քնքոյշ ձայները կամօքէին իւր տանջանքները և միայնակութիւնն այնքան էլ զգալի չէր լինի: Նա բարձրացրեց զինուորի վրայ իւր ցաւատանջ, տխուր աչքերը, աղերսող հայեացքով նայեց նրան. բայց իսկոյն յիշեց, որ նա սովոր է միայն հրամաններ կատարելու և բարձրացնելով լիր անգուպական ընկերօջը, ժայռին զարկեց... Ջարգեց տաւիղը և նրա լարերը մի վերջին անգամ տխրածայն գեղգեղեցին, կարծես լաց էին լինում... Յետոյ հաւաքելով նրա փշրանքները, տեց զինուորին և կարծես թէ նրա հետ միասին իւր սրտից մի ինչ որ բան պոկեց... Պոկեց և մինչև այժմ էլ տեղը ցաւում է, թէ և այն ժամանականից անցել են երկար, շատ երկար տարիներ...

Ծանր, երկաթէ դուռը ճոնչալով բացեց իւր ժանգոտած հանգոյցների վրայ: Ծեր զինուորը վառեց ջահը և նրա կարմրագոյն բոցերի արտացոլման տակ երևացին խաւար, խոնաւ սանդուխտի աստիճանները, որոնք հետպհետէ

աւելի և աւելի խաւարում էին մինչև որ բուրովին կորչում, անհետանում անթափանցելի մթութեան մէջ... Այնտեղ, ներքեւում սեին էր տալիս կտոր, հաստ քարէ սիւնը, որի վրայ թառած էին բանտի հատարքէ կամարները: Կալանաւորը գլխիկոր սկսեց իջնել աստիճաններից, իսկ նրա յետևից, վառող ջահը ձեռքին բռնած, գնում էր ծեր զինուորը: Ջահի բուսորագոյն լոյսից, միմիանց յետևից լուսաւորում էին կամ ծեղքւած սալայատակը, կամ սև, խոնաւ պատերը և կամ մոխրագոյն սիւնը, որի վրայ ինչ որ թաց ճիճուների հետքերի պէս, սողում էին հազիւ նշմարելի կաթիլներ: Վերջապէս ջահի լոյսը ընդգրկեց պատերից մէկի տակ դրւած քարէ նստարանը:

— Ես ջահը կըթողնեմ,—ասաց ծեր զինուորը:—Մնաս բարով:

Եւ նա ամբացրեց նրան սիւնի վրայ գտնուող երկաթէ օղակի մէջ...

Բանտարկեալը շրջեց... Նա տեսաւ, թէ ինչպէս միմիանց յետևից սանդուխտների աստիճաններից բարձրանալով, հեռացան զինուորները, շրխկշրխկացնելով իրանց թրերը և պողպատէ զրահները, տեսաւ, ինչպէս ցաւալի կերպով ճոնչալով բացեց դուռը, որի միջից ներս թափանցեց արեգակի փայլուն լոյսի մի շերտ և մի ըոպէ լուսաւորեց գետնախորշը: Այդ շերտի միջից նա տեսնում էր հեռացող զինուորների

պատկերները: Մէկ, երկու, երեք... Վերջինը  
չըջեց գեպի նրան, բայց իսկոյն և եթ գար-  
ձեալ լսեց փակեող դռան ճոնչոցը և կալանա-  
ւորի համար խաւարեց օրւան լոյսը... Խաւարեց  
ընդմիջտ, հաւիտեան...

Նա ուժաթափ ընկաւ իւր նստարանի վրայ  
և այրող գէմքը սեղմեց սառը քարին, կարծես  
միայն նրանից էր գթութիւն հայցում: Միայն  
այդ նստարանն էր մնացել նրան ամբողջ աշ-  
խարհում... Նա գիտէր, որ այնտեղ, վերեւում,  
անխիղճ բռնակալը գթութիւն չըգիտէ: Չափա-  
զանց բարձր էր հնչել երիտասարդ երգչի դա-  
տապարտիչ երգը և շափազանց ուշագիւր էին  
լսել նրան գիւղի տանջւած վաստակները: <sup>1)</sup> Այն  
գիւղի, որի վրա փառահեղ ամբոցը իւր խիտ  
ստեւերն էր տարածել: Երգիչը վաղուց էր նկա-  
տել, թէ ինչպէս էր կհնճուում իւր պարոնի ճա-  
կատը, երբ նա, փոխանակ նրա քաջագործու-  
թիւնները գովելու, սքանչացած երգելու գիշա-  
տիչ բազէների մասին, որոնք իրանց պողպա-  
տէ ճանկերով անխղճորէն հոշոտում են խղճուկ  
թռչունների մարմինները, նա, վիշտ ու տան-  
ջանքներով լի երգերով, գթութիւն էր հայցում  
գէպի նոցա, որոնք տանջուում էին քառաժայռի  
ստորերկրեայ բանտերում, փառաբանում էր  
աշխատանքի սրբութիւնը և, սլանալով գէպի

<sup>1)</sup> Վաստակ—հզատակ: Թագաւորի վաստակներ համարում են  
նրա հպատակ ժողովրդները: Հողատիրոջ վաստակներ—նրա ձորտերը:

հեռու ապագան, սկսում էր կենդանարար օրհն-  
երգը: Այսօր առաւօտեան էլ, հնադարեան ամ-  
բոցի մեծ դահլիճում, յիշելով երեկայ արշա-  
ւանքը գիւղի վրայ, երգիչը մի անգամ էլ զգաց  
իւր կրծքում Աստուածային հուրը, ձեռքն առաւ  
տաւիղը և, երբ շողորթութ քարոզիչը վերջա-  
ցրեց իւր գովասանական ձառը, երգեց մի երգ,  
որի իւրաքանչիւր ելեւէջի մէջ արիւն էր գար-  
կում, իրաքանչիւր ակկորդում,—փոթորկի պէս  
հաւիտեանական դատավճիռ հնչում: Նա յիշում է  
թէ ինչպէս վերջացրեց երգը.

Հազար փառք նրանց, որոնք աշխատանք  
Ձեն խնայել չըբէք գթառատ հողին,  
Ով բանուկ մեղու՝ գործել է անհազ  
Եւ ոչ ձրիակեր ծնել փեթակին:

Ացնիւ աշխատանք բերում է գործին  
Հունձ աջող դաշտից և ծողովրդին  
Հպարտ, համարձակ, ազատ ոգի, օր.  
Կորով՝ կուռի մէջ, տանն՝ կեանք անդորր...<sup>1)</sup>

Վերջացնելով և նայելով իւր սինիօրի <sup>2)</sup>  
կատաղութեամբ փայլող աչքերին, նա զգաց որ  
իրան այլևս փրկութիւն չ'կայ: Նա մի ըոպէ  
դուրս եկաւ մնաք բարև ասելու ազատ օդին,  
փայլուն արեգակին, իսկ նրա յետևից արդէն

<sup>1)</sup> Թարգմանութիւն Գ. Տէր-Գրանիէլեանցի:

<sup>2)</sup> Սինիօր՝—պարսն, տէր:



չարժուում էին իրանց տիրոջ հրամանին հնազանդ  
զինւորները:



II.

Ջ Ա Հ Ը.

Երբ նա զարթնեց, նրա առաջին հոգսը  
ջահն էր, որի կարմրագոյն լոյսը կամաց—կամաց  
խլում էր խաւարից բանտի մութ անկիւնները:  
Այդ լոյսը, ինչպէս մի կենդանի արարած, շարժուում  
էր, մերթ ընկնում պատերի ճեղքերի մէջ, որտեղ  
հանդարտ, անձայն ընկնում էին վերեւից իջնող  
ջրի կաթեղները, մերթ փայլում լայն շրջաննե-  
րով, —երբ կրակի բոցը անշարժ էր մնում: Կա-  
լանաւորը աս ու դողով նայում էր այդ լոյսին:  
Նա գիտէր, որ նրան կըյաջորդէ անվերջ, սոս-  
կալի խաւարը և, իւր հոգու ամբողջ գորու-  
թեամբ, ցանկանում էր երկարացնել կրակի հիւան-  
դոտ, երեւող գոյութիւնը... Բանաստեղծը չէր  
կամենում նոյն իսկ գիտել իւր խուցը, կենդանի  
մեռածների այդ գերեզմանը, որպէսզի օդի տա-  
րուբերելը չ'խլէ ջահի գոյութեան մի քանի  
վայրկեանները: Նա, ամբողջ ժամերով այդպէս  
անշարժ նստած, նայում էր ջահի կարմրագոյն  
բոցին, որը գնալով—գնալով ծխի երկւոր, ան-  
վերջ շերտի էր փոխւում և գնում կորչելու գետ-  
նախորշի մութ կամարների տակ... Քանի որ

հնազարեան ճեղքւած սիւնի վրոյ ամբարցրած օղակի մէջ վառուում էր այդ ջահը, բանտարկեալը միայնակ չէր: Իսկ երբ նա հանգչէ, գետնախորշում կրմնայ միայն կալանաւորը, նման այն պատմական անիծեալ ոգուն, որը աներևոյթ ոյժով գամւած էր ժայռի կրծքին: Այն ժամանակ միայն կըսկսեն բանտարկութեան սոսկալի ժամերը: Եւ խղճուկ բանաստեղծը լայն բացւած աչքերով հետեւում էր կարմիր բոցի բորբոքումներին, ցաւելու չափ զարկուող կրծքով լսում էր ջահի միջի խէժի փշշոցը և վախվախելով նայում յատակի ու առաստաղի լուսաւոր շրջանակներին՝ արգետօք չեն փոքրանում նորա, չեն անյայտանում... Նա, ինչպէս իրան սպասող կառափնարանը նկատած յանցաւոր, հաշոււմ էր ըոպէները, վայրկեանները, կսկիծով նկատելով այն արագութիւնը, որով յաջորդում էին նորա միտիանց:

Եւ այդ սրտամաշ վախի միջից առաջ էր եկել մի ուրիշ գգայմունք ևս...

— Ինչո՞ւ համար,— կրկնում էր նա ինքն իրան:— Ինչո՞ւ համար:

Եւ իւր ամբողջ կեանքը օրէցօր, ըոպէ առ ըոպէ, անցնում էր նրա աչքերի առջևից, լուսաւորւած այդ բոսորագոյն կրակի արտացոլումով: Կրակի, որը բանտի սրտամաշ լուսութեան միջից աւելի բարձր, աւելի ազդու էր հնչում նրա հոգւում: Նրան սովորեցրել էին ծառայելու ճշմար-

տութեանը և նա ծառայում էր նրան... Նրան սովորեցրել էին հաւատարմութեամբ ծառայելու իւր տիրօջը և նա ոչ մի անգամ չէր զաւաճանել նրան: Ընդհակառակը, նախաձեւելով նրա փառքին, նա երգում էր նրա համար ճշմարտութիւնը: Նա երազում էր տեսնելու նրան ոչ միայն ուժեղ և սպառնալի,— այլ և բարի, զթաւատ: Նա գիտէր, որ դրսից, այդ գորշագոյն բարձր և հաստ պատերի միջից, իւր երզը հասնում է այնտեղ, Հնազարեան ամբոցի մութ զահլիճները և նա աւելի շուտ կմեռնէր, քան թէ թոյլ կըտար իւր երզի, ճշմարտութեան այդ միակ համբաւաբերի մէջ, շողոքորթութիւն հնչէր:

Ի՞նչպէս լուեր, երբ ներքեւում մխում էին սիւզերենի <sup>1)</sup> չար և անգութ ծառաների ձեռքով հրդեհւած գիւղերը, երբ նոցա ձիաների սմբակները անխնայ կոխկրտում էին խաղաղ գիւղացիների արտերը, երբ ճանապարհները, իրանց անանցանելիութեան պատճառով, մացառներով էին ծածկուում, երբ կոյսերի պատիւր և ծերունիների ճերմակները աւելի էժան էին գնահատուում, քան ոյժին ծառայող կեղծաւոր քարոզիչների ճարտարախօսութիւնները և երբ յաղթական շարութիւնը իւր անխնայ ալիքներով աւելի ու աւելի լայն էր ընդգրկում շուրջը

<sup>1)</sup> Սիւզերեն— իշխանաւոր: Իշխանների համար սիւզերեն թագաւորն էր, գիւղացիների համար— նոցա կալածատէրը:

ամեն բան...

Աստուած դրել էր նրա մէջ երգի ոյժը... Եւ, իւր հոգու ամբողջ գօրուծեամբը, բանաստեղծը ծառայում էր նրան որքան կարող էր...

— Ախր ինչո՞ւ համար, ինչո՞ւ,—կրկնում էր նա անդադար ինքն իրան, վշտալի աչքերը հետզհետէ գունատւող կրակին հառած, որի բոսորսագոյն լեզակը աւելի և աւելի փոքրանում էր և նրանից տարածւող ծխի շերտը աւելի և աւելի խտանում, իսկ իւր շուրջը, խաւարը աւելի ծանրանում էր, ամեն ըոպէ պատրաստելով կուլ տալու կրակի այդ փոքրիկ լեզակը և կալանաւորի բորբոքւող աչքերը ծածկելու հաւիտենական խաւարով: Բանտի անկիւններում այլևս չէին տարուբերում սուերներ և լոյսի արտացոլումները չէին թափառում այնտեղ: Այնտեղ խաւարն էր թագաւորում: Հանդարտ փշշում էր մարող ջահի խէժը: Կալանաւորը հասկացաւ, որ կրակը մարում է. մարում է, իւր վերջին ծառայութիւնը մատուցանելով նրան: Երբէք ոչ ոք այնպէս սրտամաշ վշտով չէր սպասել իւր ընկերօջ վախճանին, այնպիսի սոսկումով չէր սպասել թէ երբ կըգայ մահը և իւր սառը ձեռքերով կըգրկէ նրա դեռևս տաք մարմինը,—ինչպէս նա էր հետևում կրակի վերջին ճիգերին մէկ էլ վառելու, մէկ էլ լուսաւորելու նրա հաւիտենական խուցի խաւարը: Եւ երբ երկար բորբոքելուց յետոյ կրակը, շարունակ ճարճատե-

լով, շարունակ կարմրելով, վերջապէս հանգաւ, քարացած դեմնախորշը առաջին անգամ լսեց կալանաւորի հեկեկանքը...

Տիրեց անշարժ և խեղտող խաւար: Միայն, փակելով իւր աչքերը, երգիչը դեռևս տեսնում էր ինչոր փայլուն կէտեր և գծեր: Իսկ երբ նա բացում էր աչքերը, նրան չորս կողմից ընդգրկում էր սարսափելի, անվերջ ոչնչութիւն:




III.

Կ Ե Ն Գ Ը Ն Ի Թ Ը Ղ Ի Ը Ծ Ը .

Օրերն անցնում էին օրերի յետևից, շաբաթները—շաբաթների և ամիսները—ամիսների: Նա չըզիտէր թէ երբ է ծագում փայլուն արևը և երբ մայր մտնում: Այն վայրկեանից, երբ իւր վերջին շունչը փչելով հանգաւ ջահը, նրա համար անվերջ գիշեր էր: Սկզբում, երբ նրա ոտքերումը դեռևս ոյժ կար, խարխափելով, պատերին հենւելով, շրջում էր նա իւր խուցի մէջ: Իսկ մի քանի ժամանակից յետոյ, նա հազիւ էր կարողանում մի քանի քայլ քարշ գալ, որ պէսզի վերցնէ այն մի կտոր հացը և մի բաժակ ջուրը, որը ծանր և հաստ դուռն միջից բացւած փոքրիկ պատուհանից, երբէք չէր մոռանում ներս գնելու պահապանը: Բայց արևի լոյսը այլևս գոյութիւն չունէր նրա համար... Սկզբում, բանտարկութեան առաջին օրերը, նա փորձեց երգել իւր խուցի խորհրդաւոր լուսթեան մէջ, փորձեց բղաւել կատաղութիւնից, փորձեց հառաչել, երբ անտանելի խոնաւութիւնից կսկծում էին նրա մարմնի ոսկորները... Բայց յետոյ, օրեր անցնելուց յետոյ, նրան շորս կող-

1002  
5395



մից շրջապատող բնութիւնը սարսափելի դարձրին նրա համար իւր սեփական ձայնը: Եւ երբ նա լուռ էր, ստէպ-ստէպ նրա ականջին էին հասնում ինչ որ երեակայական ձայներ... Այդ, սառը սալայատակի վրայ ընկնող արտասուքի կաթիլների աղմուկը չէր. նա գանազանում էր նոցա ձայնը: Այն ձայները, որոնց լսում էր նա, լարելով իւր ամբողջ լսողութիւնը, կարծես թէ դուրս էին բղխում այդ անիծեալ լեռան խորքերից: Նրան թւում էր, որ այնտեղ, ուրիշ խուցերի մէջ տանջւում, շարժւում էին իւր նման ուրիշ կալանաւորներ ևս, որոնց հառաչանքները, հազիւ լսելի արձագանքների պէս, հասնում էին այստեղ, նրա խուցը, կորչում, անհետանում, ի՞նչ պէս խաւարը արեղակի ճառագայթների ազդով թեան տակ... Պատահում էր, որ գիշերները ճայնկաբժ գարթնում էր իւր շուրջը լսող ինչ որ շուկից: Կարծես նրան շրջապատող անշարժ օդի միջից էին ծնւում այդ ձայները և, երբ կալանաւորը բարձրացնում էր գուլիւր, նրան թւում էր թէ նոցա վերջին հնչիւնները դեռևս գեղգեղում են իւր շուրջը... Նա աշխատում էր չըշարժել. պահում էր իւր շնչաուութիւնը, բայց իզոյր... Չորս կողմը տիրում էր սոսկալի, սրտամաշ լուսթիւն և այդ լուսթեան մէջ նա պարզ որոշում էր իւր սրտի զարկերը, որոնք, քանի նա նիհարում էր, այնքան էլ արագանում էին... Նրան թւում էր,

էր, որ շուտով այդ ձայները բոլորովին կլցնեն իւր խղճուկ կուրծքը և, ինչպէս իւր վանդակից աւելի մեծացած թռչուն, կը պատռէն նրան և դուրս կընետէն... Իսկ ձայները խաւարի մէջ շարունակուում էին ծնւել և մեռնել: Նա արդէն լսում էր նրանց ոչ թէ երագում, այլ արթուն ժամանակը, կարծես թէ նոքա այլևս չէին վախենում նրանից և կենդանի չէին համարում նրան, այլ մեռած, քարացած, ինչպէս գետնախորշի հատարարէ պատերը, սալայատակը, սիւնը և նստարանը... Եւ միայն այդ ձայները չէր լսում կալանաւորը... Նա տեսնում էր և շատ բան, ինչ որ մինչև այժմ անմատչելի էր նրա աչքերին... Այդ, տարիների չափ երկար տեղոյ գիշերները, յաճախ մէջքի վրայ պառկած, աչքերը լայն բացած, նա նկատում էր, թէ ինչպէս իրեն շրջապատող խաւարի մէջ մի ինչ որ բան աւելի և աւելի թանձրանում, խտանում էր... Խտանում էր դանդաղութեամբ և մի հսկայ թևի տեսք ընդունում: Զրջապատող խաւարի մէջ, այդ սև թևը սկսում էր մեղմ տարուբերել: Նրանից առաջացած քամու հոսանքը տարածւում էր գետնախորշում և կալանաւորը գողում էր ցրտից... Նա այլևս չէր շնչում, — նրա սառը շրթունքները մոռացել էին շնչալը: Նա յուզւած աղօթքներ էր յիշում իւր մտքումը և սև թևի մինչև այժմ խաւարի միջից պարզ երևացող գծազրուծինը բարակում, բարակում և վերջապէս անհետանում էր:

Եւ հեռու-հեռու, անսահման բարձրութեան մէջ, սկզբում աննշմարելի, իսկ յետոյ աւելի և աւելի որոշակի երևան էին գալիս ինչ որ չքնաղ ճառագայթներ, որոնք փոխւում էին պարզ, լուսաճաճանչ թևերի և դանդաղ թափահարելով տաքութիւն և հանգիստ էին սփռում նրա տանջւած հոգուն... .

Նրա համար հաց ու ջուր բերող պահապանը այդ սառը խուցի երկուտրեական էր. նա գալիս էր և հեռանում անձայն. ոչ մի անգամ կալանաւորը չըլսեց նրա ձայնը: Նա շատ անգամ էր մտածել ինքն իրան, թէ ինչպիսի պիտի լինի պահապանի դէմքը և եկել էր այն եզրակացութեան, որ նա էլ, իրան շրջապատող ժայռի պէս, սև ու մռայլ պիտի լինի: Կարծէս թէ անողորմ ֆէօդալի <sup>1)</sup> այդ ստորագրեալը քարաժայռից էր ծնւում և դարձեալ նրա խորքը մտնում, երբ այլևս հարկաւորութիւն չէր լինում:

Անողորմ...

Այո՛, դժբախտ կալանաւորը այդ կողմից շատ լաւ էր ճանաչում իւր իշխանաւորին և ներումն չէր սպասում նրանից... Յիշում էր նա, ինչպէս երեխայ ժամանակը իւր մօր հետ անցնում էր հսկայ կողերով ջրի մէջ խորասուզւած քարաժայռի մօտից: Ինչպէս մայրը, ցոյց տա-

<sup>1)</sup> Փեօդալ--հողատէր, որին պատկանող հողը մշակում են նրա ստորագրեալ գիւղացիք: Թագաւորը, ինչպէս բոլոր հողերի տէրը, նոյնպէս ֆեօդալ է կոչւում:

լով վայրենի քարերի մոխրագոյն զանգուածը պատմում էր նրան այդ ժայռի մէջ փորւած գետնախորշերի մասին, որտեղ շատերն էին մտել, բայց որտեղից ոչ ոք դեռևս չէր դուրս եկել: Արդեօք վախենում էր անխիղճ սիւզերէնը, որ իւր հլու հպատակները կիմանան այդ գերեզմանների գաղտնիքները, ուր անվերջ տագնապի մէջ տանջւում էին կենդանի զիակաները, թէ, ուղարկելով այնտեղ դժբախտներին, նա մոռանում էր նոցա մասին, իսկ ուրիշներն էլ չէին համարձակւում յիշեցնելու նրան: Միայն այնտեղ, ներքեւում, գիւղումը գուշակում էին կալանաւորների տանջանքները և, երբ ձմեռային երկար ու ձիգ գիշերներին քամին էր վզվզում և խղճուկ խրճիթների պատերը հիմքերից սասանում, — մարդիք միատեղ հաւաքւած կրակի շուրջը, շնչում էին և պատմում նոցա տանջանքների մասին...

Երգիչը ստէպ-ստէպ տխուր մտածում էր, որ իրան ճանաչող և սիրող գիւղացիները նոյնպէս իրանց խրճիթներում հաւաքւած, պատմում էին նրա մասին և մի որևէ աղքատ մայր, անցնելով քառաժայռի մօտից իւր որդու հետ, ցոյց է տալիս նրան և ասում:

— Նայի՛ր, որդիս: Այնտեղ, այն քարերի արանքներում տանջւում է այժմ մի թշուառ կալանաւոր... Զատ ու շատ տարիներ են անցել այն օրւանից երբ ոչ ոք չէ տեսել նրան...

— Ինչո՞ւ համար են բանտարկել նրան այն-

տեղ, — հարցնում է հետաքրքիր մանուկը:

— Որովհետև նա համարձակել էր մեր մասին պատմելու Բօժեր թագաւորին...


— Երկա՞ր պիտի մնայ նա այնտեղ:

— Այնքան, մինչև որ նրա մարմինը այնտեղից չեն նետիլ ծովի փրփրալից ալիքների մէջ, որոնց այնքան սիրում էր նա...

Եւ երգիչը երեակայում էր այստեղ նայող մանկան գեղեցիկ աչքերը, ինչպէս ինքն էր մի ժամանակ այնպէս յամառութեամբ նայում ծովի վրայ կախւած գորշագոյն քարի այդ զանգուածին, կարծես նախագուշակելով իւր ճակատագիրը:

Եւ այսպես շարաթները տնցնում էին շարաթների յետևից, տարիները — տարիները...

Հաւիտենական խաւարի մէջ նրա համար ցեղեկը գիշերւայ չէր փոխւում, գիշերը — ցերեկւայ...



IV.

ՎԵՐԱՐԿՈՒՆ, ԺԵՂՔՈՒՆԵԹՔԸ ԵՒ ԸՆԿԵՐԸ.

Կալանաւորին արդէն թւում էր թէ Աստուած մոռացել է իւր երգչին... Նա նիհարել և ոյժաթափ էր եղել... Խղճուկ, պատառուտած հագուստը հագիւ էր կարողանում ծածկել մշտնջենական խոնաւութիւնից հիւժւած նրա մարմինը: Մեռնելը նրա համար բախտաւորութիւն կը լինէր և միայն նրա վրա էր դրել իւր յոյսը. գիտէր, որ որքան էլ ուշ լինի, բայց և այնպէս լուսաճաճանչ հրեշտակը կիջնէ նրա բանտը և կըտանէ նրան իւր հետ այնտեղ, ուր չկան ոչ տանջանք և ոչ բանտեր... Եւ նրան թւում էր, որ նա այստեղ է, մօտիկ և միայն բանտի խաւարը չէ թոյլ տալիս իրան տեսնելու նրան... Կալանաւորի սրտում կարծես թէ ինչ որ ժանգոտած օղակներ էին ճռճուում: Այժմ նա հագիւ էր կարողանում սողալ, բարձրանալ քարէ աստիճաններից, իւր բաժին մի կտոր հացի և մի գաւաթ ջրի համար և յաճախ էր պատահում, որ պահապանը գտնում էր նոցա այնտեղ, առանց ձեռք տալու... Երգիչը ինքն էլ չէր կարող ասել թէ քանի-քանի ժամերով էր մնում քարէ նստարանի վրայ պառկած, խաւարի մէջ ոչինչ

չ'տեսնող աչքերը տարածութեան մէջ հառած և ցրտից դողում: Մի անգամ, երբ նա այդպէս պառկած կարծես քարացել էր, սանդուխտների քարէ աստիճանների վրայ ինչ որ խշշոց լսեց, կարծես թէ վերեւից նոցա վրայ ինչ որ մեծ և փափուկ բան ընկաւ: Կալանաւորը վեր ցատկեց տեղից, զգալով թէ ինչպէս գլխի վրայ մազերը բիզ-բիզ կանգնեցին: Ի՞նչ, կամ ո՞վ կարող էր լինել այդ... Զունչը իրան քաշած, նա սկսեց ականջ դնել, բայց բացի իւր սրտի բաբախումից ուրիշ ոչ մի ձայն չըլսեց: Արդեօք նրա հոգնած ուղեղի երեւակայութեան արդիւնքը չէր այդ: Ո՛չ, նա շատ լաւ լսեց այդ ձայնը և ոչինչ տարակուսանք չէր կարող լինել որ մի շուն ընկաւ վերեւից: Եւ օդի մէջ ձեռքերը առաջ տարածելով, նա սկսեց քայլել դեպի սանդուխտները... Նա գիտէր, որ առաջ կըպատահէ քարէ սեանը, իսկ նրանից յետոյ՝—սառը աստիճաններին: Նոցա վրայ իսկապէս մի ինչ որ բան էր ընկած: Ոսկրացած, ուժաթափ եղած ձեռքերով նա բարձրացրեց նրան... Վերարկու էր, մեծ և փափուկ վերարկու. այնպիսին, ինչպիսին իւր հայրենիքում հագնում են ձմեռային ցրտաշունչ օրերին... Առաջ նա անգիտակցաբար փաթաթեց նրա մէջ.—վերարկուն ծածկում էր նրան մինչև ոտները: Յետոյ վայրենի ուրախութեան զգացմունքը տիրեց նրա սրտին: Ինչ որ աներևոյթ ոյժ կարծես թէ բարձրացրեց նրան վերև և տա-

բաւ իւր հետ: Նրա գլուխը պատուում էր և, տարութեան հետ միասին, նրա սրտումը յարութիւն առան կեանքի բնագոյները... Օ՛, ուրեմն նա դեռևս մոռացած չէ, կայ մէկը, որը անխիղճ բռնակալի հրամանին հակառակ, մտածում է երգչի մասին ու, գերեզմանի մէջ փնտրելով, օգնութեան է հասել նրան... Եւ անտեսանելի բարերարի մասին մտածելը աներեակայելի բաւականութիւն էր պատճառում նրան: Ո՛վ կարող է լինել նա, ինչպիսի մարդ է, ինչո՞ւ համար հենց միայն այժմ է մտածել նրա գոյութեան մասին, ինչպէս է մտել նրա մօտ... Արդեօք նա մէկը չէ նոցանից, որոնց մի ժամանակ ճանաչելիս է եղել ինքը, թէ մի օտար մարդ է, որը, լսելով նրա տխուր պատմութիւնը, օգնութեան է եկել նրան: Նա բարձրացնում էր վերարկուն, քսում էր երեսին, — կարծես նրա միջոցով էր ուղում իմանալ թէ ո՞վ է եղել մինչև այժմ նրա տէրը: Բայց... Դարձեալ օրերն անցնում էին օրերի յետևից, շաբաթները՝ — շաբաթների և կալանաւորը կամաց-կամաց դարձեալ ընկնում էր այն ճահճի մէջ, որի անշարժ ջրերը բարձր կանգնած էին նրա գլխավերևը...

Մի անգամ, (գիշերով էր այդ թէ ցերեկով, — նա յետոյ միայն կարողացաւ իմանալ) նա դարձեալ պառկած էր իւր նստարանի վրայ, երբ յանկարծ, տարիներով շարունակուող լուութեան մէջ, ինչ որ գլորդին լուեց... Կալանաւորը

ըր վեր ցատկեց տեղից. նա կարծեց թէ այդ մահն է զալիս նրա մօտ, գլորւելով մայր հողի ստորերկրեայ անտեսանելի երակներովը... Նա ոտքի կանգնեց, կարծես թէ ցանկանում էր երես առ երես հանդիպել իւր, վաղուց ի վեր սպասած, ցանկալի հիւրին: Երգիչը զգում էր նրան ո՛չ իւր շուրջը և ո՛չ իրանից բարձր, այլ իւր ոտքերի տակ, լեռան խորքումը: Դրդդիւնը գլորւեց, անցաւ դէպի մի կողմ և յանկարծ, կարծես թէ նրան փոխարինելով, յատակի սալերը, անսպասելի ալիքի զարնուող նաւի տախտակամածի պէս դողացին: Կալանաւորը գետին ընկաւ և հասկացաւ... Մահը իսկապէս մօտեցել էր նրան... Նա արդէն շատ մօտ է. տարուբերուող գետնից ահա որտեղ որէ կըպուկէ քարաժայռի ահագին կտորներից մէկը և իւր սոսկալի ծանրութեան տակ կըջարդէ իւր հիւանդ, հիւժւած մարմինը... Զարմանալի բան. այնքան տարիներ նա անհամբեր սպասում էր մահւան, երազելով աղատութեան այդ կարապետին, իսկ այժմ, երբ նա արդէն մօտ էր, երգիչը վախից փաթաթւել էր իւր վերարկուի մէջ և սարսափահար տարածւել սառը սալայատակի վրա: Նրա խղճուկ սիրտը իւր զարկերով կարծես թէ վայրկեաններն էր համարում... Մի անգամ էլ լուեց ստորերկրեայ որոտմունքը և դարձեալ սլանալով գետնի անտեսանելի երակների միջով ու դէպի մի կողմը տարածւելով, կորաւ անհունութեան մէջ, մի



անգամ էլ տարուբերելով դարևոր քարաժայռ...  
Բայց... Կամ մահը վախեցաւ նրա անսպասելի  
և աննպատակ վախիցը, կամ թէ նա դեռևս ու-  
ղարկած չէր նրա մօտ... Քարի անագին զան-  
գուածները դարձեալ մնացին նրա գլխավերևը  
կախւած... Իսկ երբ կալանաւորը բարձրացաւ և  
իւր երեսից վայր ձգեց վերարկուն, — անվերջա-  
նալի խաւարի մէջ կատարւած հրաշքից սարսա-  
փած, նա իսկոյն և եթ փակեց աչքերը...

Փակեց և վախենում էր նորից բանալ...

Իսկ եթէ այդ երանգ է, եթէ այդ շքնադ  
տեսիլը դարձեալ անյայտանայ և նրա տեղ դար-  
ձեալ տիրէ հաւիտենական խաւարը... Նա  
ցանկանում էր որքան կարելի է երկար պահել  
իւր տպաւորութեան մէջ այդ խափուսիկ տեսիլը...  
Առանց աչքերը բանալու, խարխափելով, նա  
յետ դարձաւ և ուժաթափ, նոր տպաւորութիւն-  
ների տակ ընկճւած, ընկաւ նստարանի վրայ։  
Հաւիտենական լուութեան մէջ ծնւած այդ ձայնը  
և այնպէս անսպասելի կերպով երևան եկած  
լոյսը, — արևի լոյսը, — ամբողջովին ընդգրկել էին  
նրան... Բայց վերջապէս պէտք էր բանալ աչ-  
քերը — և նա բացեց... Լոյսը թափանցիկ չէր և  
զուրսը գիշեր էր արդեօք, թէ ցերեկ — նա չը-  
գիտէր։ Բայց պարզ էր, որ երկրաշարժը տեղա-  
հան էր արել քարէ հսկաներին և կալանաւորի  
զերեզմանի պատերից մէկի մէջ առաջ էր եկել  
մի ճեղք... Լոյսը Հագիւ-հագ ներս էր թափան-

ցում այդ ճեղքուածքից և բեկբեկում սալա-  
յատակի վրայ... Դրանից աւել լոյսի չէին կա-  
րող դիմանալ նրա խաւարին սովորած աչքերը։  
Կալանաւորը հագիւ-հագ զանազանում էր քարէ  
հաստ սիւնը, որի վրայ հենւած, կախւած էր  
նրա խուցի առաստաղը և նա ակնապիշ սկսեց  
փնտրել այդ սեան վրայ երկաթէ օղակը, որի  
մէջ դեռևս պէտք է ցցւած լինէր այն ժամա-  
նակ մարած ջահի կոթը։ Քանի տօրի առաջ  
էր եղել այդ... Որտեղից պիտի իմանար դժ-  
բախտ երգիչը։ Գուցէ մի քանի տասնեակ տա-  
րիներ, գուցէ և միայն մէկը։ Միայնակութեան  
մէջ տարիներն անցնում էին ըոպէսների պէս, —  
երբ նա յիշում էր նոցա մասին և ըոպէսները  
ձգձգում էին տարիներով, — երբ նա տանջում  
էր միայնակութիւնից։ Զգուշութեամբ, կարծես  
թէ վախենալով, նա բարձրացաւ տեղից և  
սկսեց քայլել դեպի ճեղքուածքը... Ահա նա...  
Այո, այդ երազ չէր և ոչ էլ ցնորը... Քարաժայռը  
իսկապէս ճեղքուել էր և այդ ճեղքուածքից նրա  
զերեզմանը լոյսի հետ միասին լցւել էր  
թարմ, զովաբար օդով, որը ներս էր թափան-  
ցում դրսից, ծովի կողմից. այնտեղից ուր  
թաղաւորում էին կեանքն ու ազատութիւնը...

Կալանաւորը առաջին վայրկեանները իրան  
մինչև անգամ բախտաւոր զգաց...

Կեանքը կարծես թէ վերագառնում էր նրա  
մօտ և նա, հեռանալով ճեղքի մօտից, երկար

ժամանակ չէր կարուպանում աչքերը հեռացնել ազօտ լոյսի շերտից: Նրա, լոյսին անսովոր աչքերը, կամաց-կամաց սովորեցին և, մի քանի ժամից յետոյ, մի աննկարագրելի ուրախութեան և գոհունակութեան զգացմունք, տիրեց կալանաւորի սրտին: Լոյսը կամաց-կամաց վարդագոյն դարձաւ, հետոյ ոսկէգոյն և վերջապէս ճեղքուածքից ներս թափանցեց իսկական արևի լոյսի մի նեղ շերտ: Ուրեմն այն գիշեր էր եղել և այժմ ցերեկ դարձաւ: Այժմ նրա համար գիշեր ու ցերեկ միախառնուած չեն լինիլ: Ինչպէս բանտից նոր ազատուածը ուրախացած դիտում է դաշտերի կանաչը, այգիների ճոխ ծաղիկները, երկնքի կապուտակութիւնը և իւր խաղաղ ամերում հանգիստ քնած արժաթափայլ գետակը,—այնպէս էլ կալանաւորը հրճանքով դիտում էր պարզ նշմարեող սիւնը, իւր ժանդոտած օդակով, որի մէջ դեռևս ցցւած էր ջահի կոթը: Սիւնի կլոր շրջապատի վրայ նա, սրտի անհուն ցնծութեամբ, տեսնում էր կապոյտ ծովի, ալ վարդերի և թարմ, ցողապատ, կանաչ մարգագետինների անգրագարձումը... Գոյները յաջորդում էին միմիանց, փոփոխուում, անցնում, նորից յայտնուում, իսկ երբ մթնում էր նորա ազօտանում էին և լուսնի լոյսը թափանցում էր բանտի մէջ հագիւ նշմարելի կաթնագոյն շերտի պէս, ինչպէս առաջին անգամը...

Այժմ նրան պակասում էր միայն մի կեն-

դանի արարած, խաւար բանտումը մի կենդանի ընկեր:

Ճակատագիրը այդ մխիթարութիւնն էլ ուղարկեց կալանաւորին:

Մի անգամ, իւր բանտի քարերի, պատերի ու ժայռերի խոռոչները դիտելիս, նոցանից մէկի մէջ նա ինչ որ սպիտակ բան նկատեց: Երևի այդ գիշերը, կամ առաւօտեան էր յայտնուել նա այնտեղ, որովհետև առաջ նա կրբէք չէր տեսել նրան: Գիտէր, որ այնտեղ մի խոնաւ անկիւն կայ, որտեղ քարերի արանքներից միշտ ջրի կաթիլներ էին հոսում: Նա թերեւց դէպի սպիտակ բիծը, աշխատելով ուրբան կարելի է լաւ դիտել նրան. նրա առաջ, ժայռի ճեղքուածքներից մէկի միջից, դուրս էր ցցւել մի գորշագոյն սունկ. մէկը նոցանից, որոնք ծնւում և մեռնում են խոնաւ գետնայարկերի և խուցերի հաւիտենական խաւարի մէջ: Բարակ և թոյլ բունը հագիւ էր կարողանում պահել սունկի լայնիզը գլխի ծանրութիւնը: Նա տատանեց իւր վրայ թերեւ յարգու շնչառութիւնից, իսկ այդ մարդը սարսափից քար կտրեց, վախենալով կորցնել իւր ընկեր այդ միակ կենդանի արարածին, որին վիճակւած էր այսուհետև բաժանելու նրա հետ բանտարկութեան ամբողջ սարսափը... Այժմ նա այլևս չէր հեռանում նրա մօտից: Նրան թւում էր, թէ տեսնում է սունկի հետզհետէ աճելը, տեսնում է, թէ ինչպէս կա-

մաց-կամաց երկարանում և ուժեղանում է նրա բունը, ինչպէս հաստանում և լայնանում է նրա գլուխը: Այժմ, ժայռի ճեղքուածքից ներս թափանցող լոյսի շերտը և այդ անսպասելի կերպով երևան եկած հիւրը ընդգրկել էին նրա ամբողջ միայնակութիւնը և նա միայն մի բանից էր վախենում, որ շիինի թէ նրա բանտի պատերից դուրս գտնուող մարդիք գուշակին և գան փակելու ճեղքուածքը ու պոկելու թշուառ սունկը... Նա արդէն, առանց վախենալու որ կըկոտորէ սունկի բունը, շոշափում էր վերջինիս գլուխը և, նրա թաւշանման թաց մաշկը շոշափելով, նա այնպիսի բաւականութիւն էր ստանում, որ կարծես թէ զգում էր կողքին իւր չափազանց սիրելի էակներից մէկին... Եւ այսպէս, բանտի մինչև այժմ գերեզմանային խաղաղութիւնը կամաց-կամաց կեանք էր ստանում. թէև խղճուկ, բայց կալանաւորի համար անփոխարինելի կեանք...



V

Ե Կ Ի Ո Ր Հ Ի Ի Ր Ը.

Չատ անգամ կալանաւորին թւում էր, որ ժայռի այդ փոքրիկ ճեղքուածքից լսում է և՛ ժայռի մօտից սլացող քամու վզգոցը և՛ նրա ստորոտին գարնուող ալիքների խուլ դղրդիւնը: Արդեօք նրա զրգուած երևակայութեան մէջն էին ծնում այդ ձայները, թէ իրականութիւնն էր ծնում նոցա, — նա չըզիտէր այդ միայն, երբ շունչն իրան քաշած, երկչոտ սրտով մօտենում էր փոքրիկ ճեղքուածքին, թւում էր նրան, թէ լսում է ձկնկուլների զիւ, բայց հազիւ այնտեղ հասնող աղաղակները: Երևակայութիւնը նկարում էր նոցա ազնտ, համարձակ, ծովի փոթորկալի ալիքների վրայից արագութեամբ թռչելիս: Նա կարծես թէ տեսնում էր այդ սպիտակ թռչունների, որոնք իրանց թևերով պատռում էին ծովի փրփրալից ալիքները և, սուր ճանկերով աւարը բռնած, բարձրանում էին բարձր, բարձր, դէպի կապուտակ երկնքի անսահմանութիւնը... Ամբողջ ժամերով նա կանգնում, կամ պառկում էր այդ ճեղքուածքի առաջ: Եւ մի բան, որ այժմ տոնջում էր նրան, այդ

իւր անօգուտ անցկացրած կեանքն էր: Ինչո՞ւ համար է այդպէս երկար տանջում նա: Ու՛մ, կամ ինչ մի մեծ ճշմարտութիւն հաստատելու համար է այդ մեծ գոհը: Ինչո՞ւ համար էր զրւած նրա սրտում աստուածային պարզեւ այդ երգը, երբ նա վաղուց էր ջնջել մարդկանց յիշողութիւնից, իսկ ինքը դեռևս տանջւում, շարշարւում է այստեղ, այլևս ոյժ չունենալով կենդանացնելու նրան:

Այժմ, երբ նա այլևս միայնակ չէր, երբ ժամանակ առ ժամանակ լոյսի թոյլ ճառագայթը փանում էր նրա չորս կողմը տիրող խաւարը, կալանաւորի մէջ դարձեալ զարթնում էր նախկին պօէտը...

Թող նա տանջւելով մեռնէ, թող ոչ որ շըյիշէ նրա անունը և նրա առենամօտիկ բարեկամները մոռանան նրան, — նա արդեն վաղուց է հաշտել այդ մտքի հետ: Բայց նա ուզում է որ իւր երգը ապրէ... Այն երգը, որը, — ինչպէս մի ժամանակ տեսել էր ինքը, — արտասուքի կաթիլներ էր դուրս բերում հնազարեան և սպառնալի ամբոյցի դաժան զինւորների աչքերից... Նա յիշում է, որ մինչև անգամ թագաւորի մուայլ դէմքի վրայ էլ ինչ որ աննկատելի ժպիտ էր երևում և նրա աչքերը այնպէս շարութեամբ շէին նայում, երբ նա իւր տաւիղի մեղմ ներդաշնակութեամբ երգում էր նրա համար սիրոյ վեհ պատկերանները, որոնց ինքը, Աստուած էր

զրել մարդկային սրտի մէջ: Եւ երգչին թւում էր թէ իւր երգի ամեն մի վանկը յամառութեամբ զարկում է թագաւորի քարացած սրտին...

Իսկ այժմ... Ո՛վ է երգում այդ երգերը...

Գուցէ գտնուի է մի շողոքորթ երգիչ, որը իւր աստուածային պարզեւ ծախում է թագաւորին, ինչպէս այն ժամանակ շողոքորթ քարոզիչը... Մի գուցէ նա, կալանաւորին ծանօթ դահլիճի կամարների տակ, փառաբանում է ոյժի և շարութեան յաղթանակը և, ինչպէս սինիօրի դահլիճները այնտեղ, ներքևում, կոխկրտում են արտերը, կրակի ճարակ դարձնում անմեղ զիւղերը, — այնպէս էլ նա, այդ ազատ պօէտը, իւր քաղցրաձայն երգովը ծաղրում է սղքատութեան և տանջանքների սրբութիւնը: Իսկ իւր երգը, մի ժամանակ *նոցա* ծառայած կալանաւորի երգը, վաղուց մեռած և մոռացւած է... Օ՛, եթէ այդպէս է, թող անիծեալ լինի այն աստուածային պարզեւ, որով հպարտանում էր ինքը, այն ոյժը, որը ստիպում էր նրան մոռանալու իրան, արձագանք տալով իւր Աստծու զօրեղ կոչին...

Մի անգամ, երբ խորատուզւած այդ տխուր մտածմունքների մէջ, պառկած էր նա իւր քարէ նստարանի վրայ, բացւեց բանախ դռան փոքրիկ պատուհանը, բայց ոչ այնպէս, ինչպէս սովորաբար բացւում էր, այլ անազին ազմուկով և մի ինչ որ անծանօթ ձայն կանչեց նրան:

— Էյ՛ դու, աւագանկ, ին՛ պէս է անունդ: Վերցրո՛ւ, թափառաշրջիկ, հացդ ու ջուրդ:»

«Երևի պահապանը փոխել են»,— անցաւ ապշած կալանաւորի մտքովը և հագիւ էր նա բարձրացել իւր տեղիցը, երբ լսեց դռան կողմից նոր ձայներ... Պատուհանից հեռանալով, պահապանը սկսեց երգել... Կալանաւորը իսկոյն ձանաչեց այդ երգը.

Հազար փառք նրանց, որոնք աշխատանք  
Չեն խնայել երբէք զթառատ հողին,  
Ով բանուկ մեղու՝ գործել է անհապ  
Եւ ոչ ձրիակեր ծնել փեթակին:

Ազնիւ աշխատանք բերում է գործին  
Հունձ քջող դաշտից և ժողովրդին  
Հպարտ, համարձակ, ազատ ոգի, օր.  
Կորով կուի մէջ, տանն՝ կեանք անդորր...  
Կարծես փայլակը լուսաւորեց պօէտին...

Նա մոռացւած է, վաղուց մոռացւած. պահապանը անուանեց նրան «թափառաշրջիկ, աւագակ», այն պահապանը, որը երգում էր նրա երգը...

Ուրեմն նրա երգը յարութիւն է առել և ապրում է: Ապրում է այն ժամանակ, երբ ինքը մեռնում է այստեղ: Այո՛, երգը ապրում է: Ապրում է այս պատերի և խաւարի ջիգրու:

Եւ ո՞վ է երգում նրան,— իւր բանտապահը:

Եւ պիտի երգեն սերունդից սերունդ այնքան, «որքան ցանկալի կըլինի Աստծուն և կը-

համբերէ մայր երկիրը»:

Այո՛, երգը յարութիւն է առել, նշանակում է որ նրա տանջանքները, նրա վշտերը անպտուղ չեն անցել...

Երևի միայն մի օրով էր այդ պահապանը փոխարինել իւր ընկերօջը...

Վաղը, միւս օրը, յետոյ շարունակ շաբաթներ, ամիսներ, առաջւայ պէս անձայն, առանց աղմուկի, բացւում էր փոքրիկ պատուհանը և նրանից յետոյ երկար ու մութ միջանցքներում ոչ մի ձայն չէր լսոււմ...

Բայց կալանաւորի համար այժմ միևնոյն էր:

Նրան թւում էր, որ միայն իւր մարմինն է գամւած այդ պատերին, փակւած նկուղում:

Իսկ հողին, երգի հետ միասին, ազատ ու ամենակարող, թռչում է, անցնում ամբողջ տիգիրը:



VI.

**Բ Ա Յ Ի Ե Յ.**

Իարձեալ օրերն անցնում էին օրերի յետեից, շարաթիւները — շարաթիւների:

Մի անգամ պահապանը լուռ ու մտախոհ, ինչպէս միշտ, բացեց փոքրիկ պատուհանը որ պէսզի կալանաւորի համար հաց և ջուր դնէ այնտեղ, բայց նա դեռևս չէր վերցրել էրէկեանը: Այդ պիսի դէպքեր շատ էին պատահել և այդ պատճառով նա փոխեց ամբողջ օրը մնացած ուտելիքը և հեռացաւ: Միւս օրը կրկնեց նոյնը, երրորդ օրը — նոյնպէս: Չորրորդ օրը նա գնաց Բօթեր թաղաւորի մաժորդօմի <sup>1)</sup> մօտ: Պալատի գիրուկ կառաւարիչը անտարբերութեամբ լսեց պահապանի ասածները և իսկոյն և եթ մոռացաւ: Բանը նրանումն էր, որ ինքը Բօթերն էլ հիւանդ պառկած էր իւր ճոխ, մետաքսապատ անկողնումը, շրջապատւած բժիշկներով: Նա նոր էր խօստովանել իւր պալատական քահանային: Բօթերը լաւ յիշողութիւն չունէր և պարզ է, որ անստովանելուց մոռացել էր մութը խուցերում ողներին: Սսենք նա այդ մեղք էլ չէր հասկանալ: Այս պատճով էր նոցա, իրանց մեղքե-

Բ 1) րդօմ — պալատի կառավարիչ:

րի համար և ուրիշ ոչինչ: Ծեր գինւորը երկրորդ անգամ չըհամարձակեց մաժորդօմի մօտ գնալու, նա գիտէր, որ գրա համար իրան կըվանգեն այնտեղից... Իսկ հացն ու ջուրը առաջւայ պէս մնում էին առանց ձեռք տալու պօէտի պատուհանի մօտ... Մի անգամ, ծեր գինւորը մինչև անգամ ձայն տուեց, բայց միայն խուլ արձագանքը պատասխանեց նրան...

Եւ այդ ձայնը կորաւ կալանաւորի համար... Մի քանի օր էր, ինչ նա անշարժ պառկած էր իւր նստարանի վրայ, մթնաշաղի մէջ աչքերը լայն բացած և նոյն իսկ չէր շքում իւր գլուխը դէպի քարածայուի ձեղքուածքից ներս թափանցող լուսի ճառագայթները: Նրան այլևս հարկաւոր չէին լոյսի այդ խղճուկ ճառագայթները, որովհետև նա ամբողջովին շրջապատւած էր մի այնպիսի փայլուն, այնպիսի հրաշալի լոյսով, ինչպիսին չէր տեսել մինչև անգամ այն ժամանակ, երբ շնչում էր իւր հայրենեաց լեւների օդովը: Նա լայն բացել էր աչքերը և երջանկութեան ժպիտը սառել էր դէմքին, որը երկար ժամանակ խոնաւ օդի մէջ մնացած մագաղաթի պէս դեղնել, գունատուել էր: Նրա շրթունքները կիսաբաց էին, իսկ ձեռքը կրծքին սեղմած, կարծես վախենում էր, որ նրա հիւանդատ թոթուամները կարող էին խանգարել իւր երջանկութեանը...

Ատուած յիշել էր երգչին և, ուղարկել ն

մօտ իւր ազատարար հրեշտակին... նրա սպիտակ լուսաճաճանչ թեքերը ծածկել էին և սիւնի գորշագոյն զանգւածը, նրանից կախւած ժանգոտ օղակով և՛ խոնաւ պատերը և՛ բանտի սեռ ու մութ կամարները, որտեղ դեռևս թանձրացած էր խաւարը, որը այն ժառանգակ տեղի էր տուել ճեղքուածքից ներս թափանցող լոյսի թոյլ ճառագայթներին... Կալանաւորին թւում էր, թէ այդ թեքերը վառուում են փայլուն բոցերով: Նա գիտէր, որ սպիտակափառ հրեշտակը ուղարկւած է բանալու նրա բանտի դռները, որ այնտեղ, այդ դռների յետևում, սպասում է նրան ցանկալի ազատութիւնը... Նա հաւատացած էր, որ եթէ հրեշտակը ձեռք տայ դռներին, նոցանից կըթափւեն երկաթէ փականքներն ու փեղկերը, ինչպէս շարժուած ճիւղից թափւում են անձրեւի կաթիլները...

— Փամանակ է, —ասաց նա հրեշտակին: Իսկ հրեշտակը հեզութեամբ ժպտում էր...

— Փամանակ է, —կրկնեց նա, զգալով որ գլուխը տրաքւում է, քունքերը այրւում են նրա մէջ մնացած արեան վերջին կաթիլներից, իսկ սիրտը ուժգին բաբախում է, սպասելով ինչ որ մեծ բանի, զգալով որ ահա որտեղ որ է կըգայ ազատութիւնը, որին դողդողալով սպասում, ցանկանում էր նրա ամեն մի երակը, նրա ամբողջ էութիւնը...

Կալանաւորը չէր կարողանում բարձրացնել

ձեռքը, չէր կարողանում շարժել իւր քարէ նստարանի վրայ: Նրա մարմինը այնքան նիհարել, այնքան ուժաթափւել էր, որ այլևս չէր կարողանում պահել տանջուած երգչի ազատ հոգին... Միայն նրա գլխումը դեռևս ինչ որ մտքեր էին պոտուում և նա կարծում էր թէ նոքա իւր մէջ չեն ծնւում, այլ լուսաճաճանչ հրեշտակն է ասում նրան...

— «Այո, քո երգը չի մեռնիլ... Մարգիբ մուսկի են քեզ և, յիշելով քո անունը, ոչ ոք չի ցաւիլ քեզ համար. բայց այն, ինչ որ դու մի անգամ ընդ միշտ երգեցիր արքայական դահլիճի ծանր կամարների տակ, դարերով կապրէ և սերունդից սերունդ կերպի: Եւ նրա ձայների մէջ քո հոգին կապրէ այնքան ժամանակ, մինչև որ նա կձուլէ ճշմարտութեան և սիրոյ յաղթական խմբերգի հետ... Եւ այն ժամանակ կըփոխւէ աշխարհը և այն բոլորը, ինչ որ երազում էին երգիչները և ինչ որ ամբօխը խենթային ցնորքներ էր համարում» — իրականութիւն կըդառնայ... Այո, կըգայ այդ ժամանակը և դու ջո երգով աւելի ևս մօտեցրիր նրան ցաւատանջ մարդկութեանը... Կըգայ այդ օրը և այն ժամանակ այժման մութ ու խաւար «կեանքի նպատակը» տեղի կըտայ մի ուրիշ աւելի փայլուն, աւելի վեհ նպատակի: Տեղի կըտայ և յետ կը նահանջէ, ինչպէս մղձաւանջը փայլուն արեգակի առաջին ճառագայթների տակ»:

- Իսկ ինչ կրլինի այն ժամանակ...
- Առաջւայ պէս անձայն հարցրեց պօէտը: հրեշտակը ժպտալով ասաց նրան.
- Նայիր:

Նրա թևերի փայլուն, տեսողութիւն շոյող լոյսը դողդողաց, նա տարածեց իւր ձեռքերը դէպի բանտի խաւար պատերը, որոնք կարծես թէ միանգամից սկսեցին յետ քաշել, լայնանալ: Առանց գլուխը շրջելու, առանց դէս ու դէն նայելու կալանաւորը տեսնում է իրեն չըջապատող այդ հրաշքը... Պատերը յետ-յետ են քաշւում և կամաց-կամաց լայնանում, տարածւում... Առաստաղը կարծես թէ գնում է կորչելու անսահման հորիզոնի անհունութեան մէջ: Վայրենի քարի սև զանգուածները կարծես թէ փոխւում են կապուտակ երկնքի: Մի բանի վայրկեան ևս, և գետնախորշի ժայռերից ոչինչ չ'մնաց... Կորան նրա պատերը, աներևոյթացաւ քարէ սիւնը իւր ժանգոտ օղակով միասին, կարծես գետնի տակ մտան յատակի ճեղքուած քարերը. իսկ ինքը, կալանաւորը, կարծես թէ իւր քարէ նստարանի վրայ չէ պառկած, այլ նստած է հրեշտակի լայն տարածուած, թևերի վրայ... Աստուած իմ, ինչպիսի վիթխարի, չքնաղ երկիր է տարածուած նրա ոտքերի տակ...

— Նայիր, տես որտեղ են Ֆէօդալների ահաւոր ամրոցները, — ասում է նրան հրեշտակը...  
Բանաստեղծը սաւառնում է այժմ ինչ որ

լեռների գագաթների վրայից... Նոցա վրայ, շրջապատուած ցողապատ կանաչներով, դեռևս կանգուն էին մնացել ինչ որ ամրոցների խղճուկ մնացորդներ... Աշտարակների ատամնաձև պատերը վաղուց էին խորտակուել: Փշրել էին նոցա ամուր կամարները և պատերը, ֆէօդալական իշխանների այդ յուսալի ամրութիւնները, աղբակոյտերով թափուած էին այստեղ և այնտեղ, իսկ նոցա մէջ սողում էին օձերը ու, իրանց գմբուխտէ աչքերը արեգակի ճառագայթների տակ փայլեցնելով, վազվզում շարճիճի մողեսները... Աշտարակների մէջ բնակութիւն էին հաստատել բուերն ու շղջիկները... Եւ միայն մզաւանջներ ծնող գիշերն էր զարթեցնում նոցա և իւր թևերը տարածելով ամրոցների մնացորդների վրայ, մինչև լուսաբացը կեանք տալիս նոցա...

— Յիշում ես դու այն գիւղը, որտեղ տանջւում, լալիս էր քո երգած ժողովուրդը:

Բանաստեղծը փնտրում է նրան...

Միթէ այդ նա է, — կապոյտ ծովածոցի փերում տարածուած այն գեղատեսիլ քաղաքը: Միթէ այն հեղահամբոյր, ծովածաւալ ալիքները նրա մօտ են տանում այն հարիւրաւոր մեծ ու փոքր նաւերը: Միթէ այն բախտաւոր, ժպտաղէմ և ազատ մարդիքը այն մարդկերանց որդիքն են, որոնք սիւզերէնի ահաւոր աչքերից փախչում, թաղնւում էին իրանց կիսավայրենի, խղճուկ խրճիթներումը: Իսկ այն չքնաղ աղջիկները, այն



յոյս ու հաւատով լի երիտասարդները...

Եւ շարունակ բարձր ու բարձր էր սաւառ-  
նում հրեշտակը և աւելի լայն էր բացում կալա-  
նաւորի աչքերի առաջ բախտաւոր երկրի սահ-  
մանները: Յանկարծ բանաստեղծը զգաց ինչ որ  
անտխորժ հոտ. թարմ, նոր թափուած մարդկային  
արեան՝ ուռնզեր զրգրող հոտ...

— Այս ի՞նչ է, — հարցնում է նա տխրամած  
հրեշտակին:

— Ժառանգութիւն: Խաւար անցեալից  
մնացած, բարերախտաբար, վերջին ժառանգու-  
թիւնը: Միայն նա է մինչև այժմ ապրում այս  
երկրում...

— Պատերազմը:

— Այո: Նա դեռևս պահպանում է իւր  
գոյութիւնը աշխարհիս վրայ, թէև ծածկում է  
ուռուցիկ խօսքերի դիմակով... Այժմ մարդիք  
զէնքով պաշտպանում են իրանց օջախը նրան-  
ցից, որոնք նոյնպէս, հրով և սրով ճշմարտու-  
թեան և սիրո վեհ ուխտն են տարածում...  
Գիշատչութեան և նստինքտները այժմ ծածկում  
են հեզ պատուիրաններով: Նոքա այժմ աշխարհ  
չեն գալիս այնպէս, ինչպէս գոյութիւն ունէին  
այն ժամանակ... Բայց դու մայր երկրի չքնազ  
խմբերգի մէջ զանազանում ես արդեօք կուի աղա-  
ղակները... Նոքա կորչում են նրա մէջ: Նոքա  
չեն կարող յաղթել տիեզերքի չքնազ օրհնեղ-  
գին... Լսի՛ր այդ օրհնեղը:

Եւ նա սկսեց ականջ դնել:

Սկզբում աններդաշնակ ձայները, — այդպէս  
էր թւում նրան, — միանում, մի ոգևորուած երգ  
էին դառնում և այդ երգի խօսքերը տարածւում  
էին միմիանց յետևից.

Հազար փառք նրանց, որոնք աշխատանք

Չեն խնայել երբէք զթառատ հողին,

Ով բանուկ մեղու՝ գործել է անհազ

Եւ ոչ ձրիակեր ծնել փեթակին:

Ազնիւ աշխատանք բերում է գործին

Հունձ աջող դաշտից և ժողովրդին

Հպարտ, համարձակ, ազատ ոգի, օր.

Կորով՝ կուի մէջ, տանն կեանք անդորր...

— Քեզնից յետոյ հազարաւոր երգիչներ են  
երգել այդ երգը... Սկզբում նոցա խլայցնում  
էին փողերի հնչիւնները, թմբուկների զարկերը  
և կուի աղաղակները... Նոքա կորչում, անյայ-  
տանում էին, բայց նոցա տեղը բռնում էին նո-  
րերը աւելի թարմ ոյժերով. և, տեսնում նս,  
այժմ ազատութեան այդ օրհնեղի ձայների մէջ  
խլանում, կորչում են մի ժամանակ յաղթական,  
իսկ այժմ — յաղթահարուած շարութեան նշա-  
բանները...

Եւ այդ երգի հետ միասին, աւելի ու աւե-  
լի վեր, զէպի անսահման կապուտակ բարձրու-  
թիւն էր սլանում պօէտի հոգին...



**Ե Ր Կ Ր Ա Ն Ե Ր Թ Ի Ը Ս Ի Ն .**

Մեռաւ ծեր Բօթերը...

Նրա գթառատ և հիւանդոտ կինը խնայուն և եթ չրամայեց բանալ ստորերկրեայ բանտերի ծանր դռները:

Նիհար, տանջուած ու կիսամեռ դբուլթեան մէջ էին դուրս գալիս այնտեղից կալանաւորները... Նոցա անուններն անգամ մոռացուած էին... Իսկ երբ այդ մասին հարցնում էին իրանցից՝ շատերը, որոնք արդէն կորցրել էին գիտակցութիւնը, չէին կարողանում մտաբերել...

Երբ բացեցին այն խուցի դռները, որտեղ կենդանի թաղւած էր երգիչը, — այնտեղ, քարէ նստարանի վրայ, միայն նրա անչափ նիհարած դիակը գտան...

Իսկ նրա դէմքը կարծես թէ ապրում էր դեռ:

Նա ժպտում էր. և այդ ժպիտը այնպիսի երջանկութեամբ էր շնչում, որ նրա վրայ նայող կապելլանը <sup>1)</sup> և մաժորգօմը այլայլւած յետ դարձան և հեռացան դիակի մօտից:

Մեծահոգի թագուհին, մինչև հողին յանձնելը, հրամայեց մի եկեղեցում դնել իւր ամուս-

<sup>1)</sup> Կապելլան՝ կաթողիկոսական եկեղեցու քահանայ:

նու և նրա երգչի դիակները: Ամեն կողմից հետաքրքիր մարդիք էին գալիս մնաս բարեաւ ասելու ֆէօդալական իշխանաւորի աճիւնին և ամենքն էլ, ակամայ կարգում էին նրա դէմքի վրայ կեանքի վերջին ըոպէին՝ նրան տիրած սարսափի արտայայտութիւնը. նրա դիմազները ծումուած էին, իսկ գունաթափ շրթունքների ծայրերում կարծես թէ սառել, քարացել էր օրհասական յուսահատ աղաղակը: Իսկ նրա կողքին, երջանկութեամբ և ուրախութեամբ լի, հեզ ժպտում էր բանաստեղծի դէմքը...

— Ո՛վ է այս հանգուցեալը, — հարցրեց փոքրիկ մանուկը, որը իւր մօր հետ միասին եկել էր նայելու մեռեալներին:

— Չըզիտեմ, բայց երևի այնտեղ, — աչքերը դէպի երկինք բարձրացնելով պատասխանեց մայրը, — նա աղօթում է իւր սինետօրի հոգու համար և այդ պատճառով էլ Աստուած թողութիւն է շնորհում նրա մեղաւոր հոգուն:

**Վ Ե Ր Զ .**



ՄԵՐ ՀՐԵՏԵՐԵԿՈՒԹԵԼՄԻ ԼՈՅՍ ԵՆ ՏԵՍԵԼ.

1. ԿԵՐՄԻՐ ԳԴԱԿԸ. պատմուածք Լէօի գինն է 3 կ.
2. ՍԻՐՈՅ ՋՈՏԵՐ. պօէմա Չերամի ,, 3 ,,
3. ԿԵՆԴԱՆԱՅԱԾ ԵՐԳԸ. պատմուածք Վ.  
Ի. Նեմիրովիչ-Գանչենկօի, [Ժարգմ.  
Վ. Թումանեան . . . . . ,, 10 ,,




Գումարով՝—25% զեղճ, ճանապարհածախսը մեզ վրայ:

Գրմել՝ Баку, Армянск. Человѣкомлюб. 0-60  
В. А. Туманяну.



ՏՊԱԳՐՈՒՄ Է.  
**ՎԷՐՔԵՐԸ ԵՆ ՆՐԱՆՑ ԲԺՇԿԵԼԸ**  
(նկարնկրով)  
Բժ. Վ. Տէր-Գրիգորեանի:



«Ազգային գրադարան»



NL0312801

## ԿԱՐԵՆԻ Ի ՍՏԱՆԱԼ.

ԲԱԳՈՒ՝—«Ստորուզնիկ» գրավաճառանոցում:

ԹԻՖԼԻՍ՝—«Գուատենքերգ», «Կենարոնական» և «Կովկասեան» գրավաճառանոցներում:

„ —Յովհաննէս Գեօնչեանի մօտ, «Թիֆլիսի Նալթ. Ընկ.» գրասենեակում:

ԳԱՆՉԱԿ՝—Արշակ Մխկարեանի գրավաճառանոցում:

„ —Մ. Համառփիլուի մօտ, զեղավաճառանոց Բալասանեանցի:

„ —Բ. Բայթալեանի մօտ, Գոնդուկովսկայա փողոց:

ՉՈՒՉԻ՝—Բաղրատ Տէր-Սաչակիանի գրավաճառանոցում.

„ —օր. Հայկանոյշ Գովլաթեանի մօտ:

ԿՐԱՍՆՈՎՈՎՍԿ՝—Յարուժիւն Մեհրաբեանի մօտ:

ՂԸՋԸԼ-ԱՐՎԱԴ՝—Արժ. Մարկոս քահ. Տէր-Մկրտչեանի մօտ:

ԱՍԽԱԲԱԴ՝—Արժ. Թադէոս քահանայ Ատովմեանի մօտ.

ՄԵՐՎ՝—Արժ. Աղէքսանդր քահ. Պոպովեանի մօտ.

ՉԱՐԺՈՅ՝—Արժ. Ներոնէս քահ. Աբրամեանի մօտ:

